

【中道即法界，法界即止觀】（科註第六七六頁倒數第五行）

《佛學大辭典》「中道即法界」條：（術語）止觀輔行一曰：「一色一香無非中道者，中道即法界，法界即止觀。」法界諸法，迄至一色一香無非為中道。故換言之，中道即法界也。（中者，不二之義。絕待之稱，雙非雙照之目也。中論偈曰：「因緣所生法，我說即是空，亦名為假名，亦是中道義。」）

而此中道法界為所緣之妙境，若就能緣之妙智言之，則為止觀，蓋繫緣於法界，而廣緣事理之諸法，是止即妙觀；念與法界為一，而泯亡事理之法相（泯：音敏，消滅，喪失），是觀即妙止也。此妙境妙智，一體不二，故謂之法界即止觀。

【止觀不二】（科註第六七六頁倒數第五行）

《佛學大辭典》：（術語）法性寂然為止，寂而常照為觀，止如明鏡止水，觀如明鏡止水影現萬象，故止與觀者，不二一體也。輔行一曰：「中道即法界，法界即止觀，止觀不二，境智冥一。」（冥：〈動詞〉暗合，默契）